



**QASHQADARYO VILOYATI
MUBORAK TUMANI HOKIMINING
Q A R O R I**

180900, Muborak shahri, Zanjirsaroy shoh ko'chasi, 15/1 uy. Tel.: 672-34-74, Faks: 672-17-77

2021 йил «6» июнь

599-4-64-Q/21

Муборак туман ҳокимияти

**Давлат ўрмон фонди ерларида ёнгин хавфини олдини олиш
чора-табдирлари тўғрисида**

2021 йилда Давлат ўрмон фонди ерларида ёнгин келиб чиқишининг ҳамда табиатга ва ўсимлик дунёсига зарар етказилишининг олдини олиш мақсадида, Муборак давлат ўрмон хўжалигининг 2021 йил 10 майдаги № 27-сонли хатини инобатга олиб, Ўзбекистон Республикасининг “Ўрмон тўғрисида”ги Қонуни ва Ўзбекистон Республикаси Вазирлар Маҳкамасининг 1999 йил 22 ноябрдаги “Республика ўрмонларини химоя қилиш бўйича айрим меъёрий ҳужжатларни тасдиқлаш тўғрисида”ги 506-сонли қарорига ҳамда “Маҳаллий давлат ҳокимияти тўғрисида”ги Қонуннинг 6-моддасига асосан;

Қ А Р О Р Қ И Л А М А Н :

1. 2021 йилнинг ёз, куз фаслларида Давлат ўрмон фонди ерларида ва қўшни фермер хўжаликлари ҳамда фуқаролар йиғинлари ҳудудида жойлашган ўрмонларда тамаки маҳсулотлари чекиш, ов қилиш ҳамда гулхан ёқиш қатъиян ман қилинсин.

2. Муборак Давлат ўрмон хўжалиги бўлимларида ёнгинга қарши кураш тадбирлари 1-иловага, фавқулотда ҳолатларда ёнгинни ўчириш режаси 2-иловага мувофиқ тасдиқлансин.

3. Муборак Давлат ўрмон хўжалиги (З.Қаноатов) Ҳотам, Ҳайит ота, Янги ариқ ўрмон бўлимлари (Ж.Жалилов, Ф.Шукуруллаев, З.Тўраев), “Яшнаобод” (Қорақум) МФЙ (Б.Тухтаев), Олмазор МФЙ (С.Нуранов), Обод турмуш МФЙ (А.Эшниеъзов), “Чорвадор” МФЙ (Р.Қурбонов) “Муборак”

МФЙ (Т.Авезов) ёнғин хавфини олдини олишнинг барча тадбирларини ўтказиш бўйича масъулиги белгилаб қўйилсин.

4. Муборак Давлат ўрмон хўжалиги (З.Қаноатов), Муборак туман ФВБ бошлиғи майор (Ж.Юлдашев), туман тиббиёт бирлашмаси (Э.Арзиев), “Ўзтелеком” АК Муборак туман филиали (Ш.Бозоров), Хотам, Ҳайит ота, Янги ариқ ўрмон бўлимлари (Ж.Жалилов, Ф.Шукуруллаев, З.Тўраев), “Яшнаобод” (Қорақум) МФЙ (Б.Тўхтаев), Олмазор МФЙ (С.Нуранов), Обод турмуш МФЙ, (А.Эшниеъзов.), “Чорвадор” МФЙ (Р.Қурбонов) “Муборак” МФЙ (Т.Авезов) биргаликда Давлат ўрмон фондида ёнғин содир бўлганда, тезда кечиктирмасдан ёнғинни ўчириш учун етарли одамларни жалб қилиш ва уларни асбоб-ускуналар ва озиқ-овқатлар билан таъминлаш ҳамда тез тиббий ёрдам кўрсатиш чораларини кўриш вазифалари юклатилсин.

5. Муборак Давлат ўрмон хўжалиги (З.Қаноатов), Муборак туман Табиатни муҳофаза қилиш инспекцияси (Д.Сафаров), тумандаги “Яшнаобод” (Қорақум) МФЙ (Б.Тўхтаев), Олмазор МФЙ (С.Нуранов), Обод турмуш МФЙ, (А.Эшниеъзов.), “Чорвадор” МФЙ (Р.Қурбонов) “Муборак” МФЙ (Т.Авезов) раисларига ўрмон хўжалиги ер фондига яқин аҳолига ўрмон хўжалиги фонди ерларида ёнғинни олдини олиш бўйича тушунтириш ишларини олиб бориш ҳамда “Ўрмон тўғрисида”ги ва “Муҳофаза этиладиган табиий ҳудудлар тўғрисида”ги қонунларни бузган шахсларга нисбатан тегишли ҳужжатларни расмийлаштириб тегишли органларга тақдим этиш вазифалари топширилсин.

6. Мазкур қарор ОАВда эълон қилинсин.

7. Мазкур қарор қабул қилиниши муносабати билан Муборак тумани ҳокимининг 2020 йил 22 июндаги НҚ-743/06-сонли қарори ўз кучини йўқотган деб ҳисоблансин.

8. Ушбу қарор ижросини назорат қилиш туман ҳокимининг ўринбосари Р.Холмўминов зиммасига юклатилсин.

9. Қарор расман эълон қилинган кундан эътиборан кучга киради.

туман ҳокими



У.М.Эрназаров

Муборак туман ҳокимининг
2021 йил 6 июндаги
599-4-64-Q/21-сон қарорига
1-илова

**Туман ҳудудидаги Давлат ўрмон фонди
ерларида ёнғига қарши кураш
тадбирлари.**

1. Ўрмонларда ва ўрмон билан қопланган Давлат ўрмон фонди ерларида ёнғин хавфсизлигини таъминлаш учун шахсан жавобгарликни ҳис этиш, ёнғин бўлиш эҳтимоли кучли даврда белгиланган ёнғин хавфсизлиги ишларини бажариш, Давлат ўрмон фонди ерларида чиққан ёнғинни тезкорлик билан ўчириш ва бу тўғрисида керакли ташкилотларга тезлик билан хабар қилиш.

Бажаради: Ўрмон хўжалиги ва Фуқаролар йиғинлари.

Муддати: Мавсум давомида

2. Ўт-ўлан билан қопланган ерларда, қамишзорлар, ўрмонзорлар яқинида шамолли об-ҳавода гулхан ёқишни таъқиқлаш, ёниб турган нарсаларни ташлаш учун махсус жойларни ташкил қилиш.

Бажаради: Туман ФВБ, Ўрмон хўжалиги ва Фуқаролар йиғинлари.

Муддати: Мавсум давомида

3. Давлат ўрмон фонди ерларида ёнғин чиққан ҳолда, ёнғин чиққан жойга кўнгилли ёнғин ўчириш бўлинмаларини, белгиланган ёнғин ўчириш ишчи кучларини ўз вақтида етказиш, техника ва ёнғинга қарши транспорт билан таъминлашни тўғри ва аниқ ташкил қилиш.

Бажаради: Туман ФВБ, Ўрмон хўжалиги, Фуқаролар йиғинлари ва фермер хўжаликлари.

Муддати: Мавсум давомида

4. Чорва моллари боқиладиган, ов қилинадиган, беда ўриладиган ўрмонларда, болалар оромгоҳларида, дам олиш зоналарида ва геологик кидирув экспедицияларида комплектланган ёнғин ўчириш қуролларини бўлишини назорат қилиш, Давлат ўрмон фонди ерларига яқин ерларда ва унга олиб боровчи йўллар ёқасига оловдан эҳтиётлик билан фойдаланишга чақирувчи, ёнғин чиқиш хавфидан огоҳлантирувчи белгиларни қўйиш.

Бажаради: Туман ФВБ, Ўрмон хўжалиги ва Фуқаролар йиғинлари.

Муддати: Мавсум давомида

5.Оммавий ахборот воситаларидан кенг фойдаланган ҳолда Давлат ўрмон қўриқчиларига шаҳар ва қишлоқ аҳолиси ўртасида ёнғин хавфсизлиги қоидаларига риоя қилиш мавзуларида тарғибот ишларини олиб бориш.

Бажаради: Ўрмон хўжалиги ва Фуқаролар йиғинлари.

Муддати: Мавсум давомида

6.Давлат ўрмон фонди ерларида иш олиб боровчи ёки ўрмонларда баъзи объектларга эга бўлган ҳамда ўрмон фонди ерларини маълум муддатга ижарага олган хўжаликлар, ташкилотлар, фермер хўжаликлари ва аҳолининг мавсумга тайёргарликларини текшириш, аниқланган камчиликларни биргаликда ҳал этиш ҳамда қатъий чоралар кўриш.

Бажаради: Туман ФВБ, Ўрмон хўжалиги.

Муддати: Мавсум давомида

7.Ёнғин хавфсизлиги қоидаларини бузувчиларни тезкорлик билан аниқлаш, уларнинг устидан зудлик билан тегишли ҳужжатларни тузиб, келтирилган зарарни ундириб олиш чораларини кўриш, ёнғинга қарши кураш мақсадида тезкорлик билан ҳаракат қилувчи гуруҳ тузиш, уни ҳаракат йўналишини белгилаш ва шу мавзуда семинарлар ташкил қилиш.

Бажаради: Туман ФВБ, Ўрмон хўжалиги.

Муддати: Мавсум давомида.

Муборак туман ҳокимининг
2021 йил 6 июндаги
599-4-64-Q/21-сон қарорига
2-илова

2021 йилда Муборак Давлат ўрмон хўжалигининг Янги арик, Ҳотам, Хайит ота бўлимларида ҳамда Яшнаобод (Қорақум), Чорвадор, Обод турмуш, Олмазор, Муборак МФЙ ҳудудларида фавқулотда ҳолатларда ёнғинни ўчириш

Р е ж а с и

т/б	Муборак тумани	Жойлашадиган аҳоли		Ёнғинга қарши ўчириш асбоблари			Ўрмон бўлимининг номи	Техникалар сони	Шундан сув ташиш машинаси	Керакли нарсаларни юборадиган жойи	Тиббий ёрдам кўрсатишни ташкил этишда жавобгар шахс	Ёнғин бўладиган жойда алоқани тиклаш бўйича жавобгар шахс	Ўрмон бўлими бошлиқларининг И.Ф.Ш	Ёнғинни ўчириш бўйича жавобгар шахс	Техника ва ёнғин ўчириш асбоб ускуналарини олиш жойи
1	2	3	4	5	6	7	8	9	10	11	12	13	14	15	16
1	Яшнаобод(Қорақум)	2700	2700	850	800	1050	Ҳотам	1	0	Фуқаролар йиғини	Муборак туман тез тиббий ёрдам кўрсатиш бўлими	Муборак туман электр тармоқлари	М.Бахронов	Бош ўрмончи	Ўрмон хўжалиги, маҳалла фуқаролар йиғини ҳамда жавомт ширкат хўжаликлари омборлари
2	Чорвадор	4087	4087	1300	1287	1500	Янги арик	1	0	Фуқаролар йиғини			Т.Жўраев		
3	Обод турмуш	2337	2337	777	660	900	Хайит ота	1	0	Фуқаролар йиғини			З.Тўраев		
4	Олмазор	2242	2242	750	730	762		1	0	Фуқаролар йиғини					
5	Муборак	2156	2156	728	730			1	0	Фуқаролар йиғини					
	Жами:	13522	13522	4405	4207	4910	0	5	0	0	М.Равшанов	И.Норбўтаев	0	Ж.Жалилов	0